

Broj:009-3/13

Datum:12.02.2013.godine

Predmet: Izvještaj o radu JP „TRA“ d.o.o-Agencije za razvoj općine Tešanj za 2012.godinu

„TRA“ d.o.o- Agencija za razvoj općine Tešanj (u daljem tekstu Agencija) je u planu rada za 2012. godinu postavila 10 aktivnosti iz više strateških sektora od kojih su neki nastavak iz prethodne godine. To su uglavnom aktivnosti na iznalaženju finansijskih sredstava i investitora za infrastrukturne projekte i projekte iz oblasti koje su najznačajnije za ekonomski napredak općine Tešanj. Značajan pomak je urađen u pripremi projektnih prijedloga i koncepata za domaće, strane i i EU izvore finansiranja. U tom pogledu Agencija je sveukupno pripremila 11 projektnih prijedloga i jednu koncept notu. Neki od projektnih prijedloga su odbijeni, neki su implementovani a za neke se još očekuju odgovori donatora.

U 2012. godini Agencija je uspješno implementirala 3 projekta iz oblasti neformalnog obrazovanja u saradnji sa Mješovitom srednjom školom za koje je su pozitivnu ocjenu dali predstavnici donatora. Pored ovih projektata Agencija je izradila značajan broj projektnih prijedloga iz oblasti poljoprivrede, turizma, vodosnadbijevanja, energetske efikasnosti i drugih oblasti od kojih su neki strateškog značaja za općinu Tešanj poput projekta kanalizacione mreže sa prečišćivačem čiji je budžet oko 14 miliona eura. Značajno je i uspostava velikog broja kontakata sa domaćim i stranim organizacijama kao i sa određenim brojem ambasada u BiH. Cilj ovih kontakata je uspostava partnerskih odnosa, izrada zajedničkih projektnih aplikacija za pristupne fondove, kao i predstavljanje privrednih potencijala i privlačenje domaćih i stranih investicija u općinu Tešanj.

Izvještaj o radu Agencije za 2012. godinu sastoji se od sljedećih tematskih oblasti:

1. Rad Nadzornog odbora Agencije
2. Rad Agencije na usklađivanju i donošenju internih akata s ciljem regulisanja rada Agencije prema zakonskim propisima
3. Rad na izradi i provođenju projekata
4. Finansijsko poslovanje
5. Edukacija uposlenika
6. Predstavljanje općine Tešanj i Agencije za razvoj općine Tešanj na sajmovima i forumima
7. Kontakti sa ambasadama, drugim agencijama i međunarodnim organizacijama
8. Kontakti sa fizičkim licima, firmama i ostalim udruženjima sa područja općine Tešanj i šire
9. Plan rada za 2013. godinu
10. Zaključak

1.) Rad Nadzornog odbora Agencije

U toku 2012. godine Nadzorni odbor je održao šest sjednica. Važno je napomenuti da su sve odluke Nadzornog odbora donesene jednoglasno i uz saglasnost svih prisutnih.

Nadzorni odbor radi u sastavu: predsjednik Nadzornog odbora, gđin. Muharem Saračević, član NO, gđin. Ismar Alagić, i član NO, gđin. Izudin Ahmetlić. Nadzorni odbor Agencije svoju prvu sjednicu u 2012.godini, održao je 19.03.2012.godine, i to je 18. po redu održana sjednica Nadzornog odbora Agencije.

18 sjednica Nadzornog odbora

Sjednica Nadzornog odbora "TRA"- Agencije za razvoj općine Tešanj, održana je u ponedjeljak 19.03.2012.godine, sa početkom u 15 sati i 30 minuta u kancelariji direktora Agencije za razvoj općine Tešanj sa slijedećim tačkama dnevnog reda:

1. Utvrđivanje zapisnika sa XVII sjednice Nadzornog odbora
2. Izvještaj o radu Agencije za 2011.godinu
3. Izvještaj revizije finasijskog poslovanja Agencije za 2011 godinu
4. Izvještaj o aktivnostima na projektu sa FAD-om
5. Razno

Na svojoj 18 sjednici Nadzorni odbor Agencije je prihvatio izvještaj o radu Agencije uz određene sugestije na sami nacrt izvještaja, uz zaključak da se izvještaj uputi Skupštini Agencije na usvajanje.

Nadzorni odbor Agencije je prihvatio izvještaj revizije finasijskog poslovanja TRA d.o.o-Agencije za razvoj općine Tešanj za 2011. godinu, uz zaključak da isti uputi Skupštini Agencije na usvajanje.

Članovima Nadzornog odbora je predstavljen je program obuke sa modulima učenja za projekat: "Obuka i certificiranje CNC operatera",te trenutne aktivnosti na realizaciji projekata: mehatroničara i zavarivača.

Nadzorni odbor Agencije je donio odluku da Agencija snosi dio troškova za prezentaciju projekta "Očuvanje starih zanata" donatorima u Turskoj.

19. sjednica Nadzornog odbora

Sjednica Nadzornog odbora "TRA"- Agencije za razvoj općine Tešanj, održana je u ponedjeljak 02.04.2012. godine, sa početkom u 15 sati i 30 minuta u kancelariji direktora Agencije za razvoj općine Tešanj sa slijedećim tačkama dnevnog reda:

1. Utvrđivanje zapisnika sa XVIII sjednice Nadzornog odbora
2. Utvrđivanje Dnevnog reda za 4. sjednicu Skupštine TRA d.o.o-Agencije za razvoj općine Tešanj.

Nadzorni odbor na svojoj 19. redovnoj sjednici prihvatio je zapisnik sa 18. održane sjednice, te su zaključcima definisani:

- dnevni red za 4. sjednicu Skupštine Agencije
- materijali za 4 sjednicu Skupštine Agencije

20 . sjednica Nadzornog odbora

Sjednica Nadzornog odbora „TRA“ d.o.o-Agencije za razvoj općine Tešanj, održana je u ponedjeljak 23.04.2012.godine, sa početkom u 08 sati u kancelariji direktora Agencije za razvoj općine Tešanj, sa slijedećim tačkama dnevnog reda:

1. Utvrđivanje zapisnika sa 19. sjednice Nadzornog odbora Agencije
2. Pravilnik o kriterijama provođenja oglasne procedure za prijem uposlenika u Agenciju
3. Razno

Na 20. Sjednici Nadzornom odboru Agencije je predstavljen projekat „Obuka i certificiranje CNC operatera“ i sporazum sa kompanijom „Fad“ dd Jelah koji će omogućiti realizaciju navedenog projekta. Dostavljena je informacija o projektima: „Obuka i certificiranje zavarivača“ i „Obuka i certificiranje mehatroničara“

Članovi Nadzornog odbora dali su pozitivnu ocjenu na predstavljeni projekat za CNC operatere, sporazum sa kompanijom „Fad“ d.d Jelah i informacije o realizaciji projekata: zavarivača i mehatroničara.

Nadzorni odbor Agencije je usvojio usklađeni Pravilnik o kriterijama provođenja oglasne procedure za prijem uposlenika u Agenciju za razvoj općine Tešanj uz Zaključak da se u Pravilnik dodaju još dva kriterija: poznavanje engleskog jezika i poznavanje rada na računaru, te da se uputi dopis Općinskom načelniku sa iznesenim prijedlozima.

Prihvaćen je izvještaj sa putovanja u Istanbul predsjednika Nadzornog odbora Muharema Saračevića, gdje je predstavljen projekat: „Očuvanje starih zanata“ donatorima

Usaglašen je Dnevni red za 5. sjednicu Skupštine „TRA“ Agencije za razvoj općine Tešanj.

21. sjednica Nadzornog odbora

Sjednica Nadzornog odbora „TRA“ d.o.o-Agencije za razvoj općine Tešanj, održana je u petak 29.06.2012.godine, sa početkom u 15:30 sati u kancelariji direktora Agencije za razvoj općine Tešanj sa slijedećim tačkama dnevnog reda:

1. Utvrđivanje zapisnika sa 20. sjednice Nadzornog odbora Agencije
2. Kvartalni izvještaj o radu TRA d.o.o-Agencije za razvoj općine Tešanj
3. Izvještaj o realizaciji projekata „Zavarivač“ i „Mehatronika“
4. Razno

Na 21. sjednici Nadzornog odbora prihvaćen je izvještaj o realizovanim aktivnostima u prva četiri mjeseca 2012. godine „TRA“ d.o.o –Agencije za razvoj općine Tešanj, uz napomenu da se u slijedećem izvještaju nevede stepen realizacije predstavljenih projekata.

Prihvaćen je izvještaj o realizaciji projekata mehatroničar i zavarivač, uz napomenu da se za narednu sjednicu Nadzornog odbora pripreme izvještaji o utrošku finansijskih sredstava za projekte, te da se zajedno sa materijalima dostave Nadzornom odboru.

22. sjednica Nadzornog odbora

Sjednica Nadzornog odbora „TRA“ d.o.o-Agencije za razvoj općine Tešanj, održana je u petak 10.09.2012.godine, sa početkom u 08.00 sati u kancelariji direktora Agencije za razvoj općine Tešanj sa slijedećim tačkama dnevnog reda:

1. Utvrđivanje zapisnika sa 21. sjednice Nadzornog odbora Agencije

2. Kvartalni izvještaj o radu „TRA“ d.o.o-Agencije za razvoj općine Tešanj
3. Izvještaj o utrošenim finansijskim sredstvima na projektima Zavarivač i Mehatronika
4. Razno

Na 22. sjednici Nadzornog odbora Nadzorni odbor je prihvatio izvještaj o radu Agencije u proteklom periodu, uz sugestiju da uposlenici Agencije za razvoj općine Tešanj zajedno sa planiranim aktivnostima za naredni period pristupe i izradi projektnih ideja iz oblasti vodosnadbjevanja na objavljeni poziv Ipa Adriatic i druge pozive.

Prihvaćeni su izvještaji o utrošenim finansijskim sredstvima Agencije za razvoj općine Tešanj na projektima: „Obuka i certificiranje zavarivača“ i „Obuka i certificiranje mehatroničara“.

23. sjednica Nadzornog odbora

Sjednica Nadzornog odbora „TRA“ d.o.o-Agencije za razvoj općine Tešanj, održana je u petak 30.11.2012.godine, sa početkom u 08.00 sati u kancelariji direktora Agencije za razvoj općine Tešanj sa slijedećim tačkama dnevnog reda:

1. Utvrđivanje zapisnika sa 22. sjednice Nadzornog odbora Agencije
2. Izvještaj o radu „TRA“ d.o.o-Agencije za razvoj općine Tešanj
3. Upoznavanje članova N.O sa Odlukom o zastupanju direktora za vrijeme odsustva
4. Razno

Na 23. sjednici Nadzornog odbora prihvaćen je izvještaj o radu Agencije za protekli period. Zbog privremene spriječenosti za obavljanje dužnosti direktora Agencije, prihvata se odluka o prijenosu ovlaštenja u zastupanju direktora. Ovlaštenja u zastupanju direktora Agencije prenesena su na projekt menadžera Agencije g-dina Muhameda Džihica. Donesena je Odluka o sazivanju Skupštine „TRA“ Agencije za razvoj općine Tešanj.

2. Rad Agencije na usklađivanju i donošenju interni akata s ciljem regulisanja rada Agencije

Na osnovu upućenog zahtjeva od strane Općinskog načelnika kojim se obavezuju javne ustanove i preduzeća da donesu Pravilnik o jedinstvenom postupanju rada komisije za prijem uposlenika Nadzorni odbor Agencije na 22. redovnoj sjednici Usvojio je **Pravilnik o kriterijama provođenja oglasne procedure za prijem uposlenika.**

4. Finansijsko poslovanje

U prilogu izvještaja nalazi se revizorski izvještaj o poslovanju Agencije za 2012.godinu. Smatramo da je on sasvim dovoljan da odslika naše poslovanje u prošloj godini.

5. Edukacija uposlenika

U toku 2012. godine, uposlenici Agencije za razvoj općine Tešanj prisustvovali su i učestvovali na sljedećim edukacijama, seminarima i radionicama:

- 1.)** Seminar na temu: Privlačenje (stranih) investicija u oragnizaciji EURELSMED-a u Tuzli, seminaru je prisustvovao uposlenik Agencije Senad Lekić.
- 2.)** Seminar u Zenici na temu: “Mogućnosti implementacije projekta međuopćinske saradnje” u organizaciji GIZ-a, seminaru je prisustvovao Muhamed Džihić.
- 3.)** Seminar u Zenici na temu: „Međuopćinska saradnja“ u organizaciji GIZ-a, seminaru je prisustvovao uposlenik Agencije Muhamed Džihić.
- 4.)** Start up weekend Sarajevo –događaj na kojem su predstavljene poslovne ideje mladih ljudi iz BiH, a cilj da se poslovne ideje razrade do nivoa koji bi bio spreman da se pretvori u poslovni poduhvat. Učešće na navedenom događaju imao je i uposlenika Agencije Muhamed Džihić na poziv GIZ (Njemačka organizacija za međunarodnu saradnju).
- 5.)** Seminar u Zenici na temu: „Trening trenera“ u organizaciji UNDP-a Seminar koji se sastojao iz dva dijela. U prvom dijelu radilo se o postizanju prezentacijskih vještina, drugi dio seminara odnosio se na unapređenje znanja za izvođenje obuka o osnovama upravljanja lokalnim razvojem. Seminaru je prisustvoavo uposlenik Agencije Senad Lekić.
- 6.)** Učešće u radu Fokus grupe na temu: „Sistem obuke za jedinice lokalne samouprave“ u organizaciji Razvojnog programa Ujedinjenih nacija UNDP u Tuzli. Radu Fokus grupe prisustvovao je uposlenik Muhamed Džihić.
- 7.)** Konferencija EURELSMED projekta na temu: „Mogućnosti za lokalni i regionalni ekoomski razvoj u BiH. Učešće na konferenciji je imao uposlenik Agencije Muhamed Džihić.
- 8.)** Informativni sesija posvećena aktuelnom pozivu IPA Adriatic organizovanoj od strane Direkcije za europske integracije učešće su uzeli uposlenici Agencije Muhamed Džihić i Senad Lekić.
- 9.)** Dvodnevna radionica sa ciljem izvođenja obuke za pripremu aplikacija za grant fondove u Sarajevu u organizaciji „EPRD“-a učešće je uzeo predsjednik NO g- din Muharem Saračević.

6. Predstavljanje Agencije na sajmovima i forumima

Agencija se učestvovala na **Sarajevo Business Forumu 2012.** koji je održan u Sarajevu 16, 17 i 18.05.2012. godine. Na Sarajevo Business Forumu Agencija za razvoj općine Tešanj je predstavila poslovnu ideju za izgradnju novog postrojenja za sistem daljinskog grijanja grada Tešanj i urbanih sredina Jelaha i Tešanjke. Navedeni sistem bi podrazumjevao instalisanje trigeneracijskog sistema sa potpuno novom mrežom koji bi pored toplotne proizvodio i električnu energiju.

Na Bussiness forumu ostvoreni su kontakti sa predstavnicima slijedeći firmi:

- „RAKHA“ firma iz Amana Jordan
- „Baltic Energy Group“ iz Londona
- „Askon“ Istanbul Turska
- „WIFI“ d.o.o BiH

Direktor Agencije na Sarajevo Business Forumu uspostavio je kontakte sa gosp. Ensarom Eminovićem direktorom kompanije WIFI d.o.o BiH s ciljem uspostave saradnje na projektima iz oblasti poljoprivrede. Predstavnicima „Baltic Energy Group“ i „Islamic Development Bank Group Business Forum“gosp. Adam F. Khanu i dr. Ghassan Y. Al-Baba direktor Agencije je prezentovao poslovnu ideju, te je razgovarano o mogućnostima iznalaženja strateškog partnera za ulaganje u Toplanu Tešanj. Sa gospođom Jadrankom Petrović koja je ekonomski savjetnik pri Ambasadi Republike Srbije dogovorene su smjernice s ciljem uspostave partnerskih odnosa sa predstavnicima općina iz Srbije na projektima za naredne IPA CBC pozive. Sa predstavnikom „Rakha Businessmen Cooperative Association“, gosp. Walid Qanahom dogovorena je uspostava saradnje na projektima iz oblasti poljoprivrede.

Agencija je imala zajedničko učešće sa Općinom Tešanj na **8. Sajmu privrede u Tešnju.** Na Sajmu su prezentovane dosadašnje aktivnosti, pripremljeni projekti, realizovani projekti Agencije za razvoj i Općine Tešanj kao i planirane aktivnosti, odnosno projekti za 2012. godinu. Također, ostvoreni su kontakti sa predstavnicima općine Teslić, predstavnicima GiZ-a, direktoricom Asocijacije informatičara u BiH, gđom. Nadom Hadžimehić, te razgovarano o mogućoj uspostavi saradnje na izradi određenih poslovnih poduhvata projekata, koji su od zajedničkog interesa. Na zajedničkom štandu UG "Sehara" je prezentovala rad i djelovanje ovog udruženja u proteklom periodu kao i radove tešanjskih zanatlija koji su učestvovali na projektu "Tecex".

U organizaciji VTK (Vanjsko-trgovinska komora) BiH u Sarajevu održan je **Poslovni Forum privrednika iz BiH i Poljske** na kojem je učešće uzela i Agencija za razvoj općine Tešanj. Agencija je predstavila privredne potencijale općine Tešanj u cilju povezivanja, te uspostave poslovne saradnje između privrednika iz Tešnja i privrednika iz Poljske. Nakon uvodnih obraćanja i prezentacije privrednika iz Poljske, ostvoreni su bilateralni sususreti i razmjena kontakata. Direktor Agencije, gosp. Hilmo Perčo imao je susrete sa predstavnicima kompanija; "Multico Sp", "Polmot warfama Sp" "Elewarr Ltd". Direktor Agencije za razvoj općine Tešanj, svojim sagovornicima na ovim susretima predstavio je rad Agencije i privredni potencijal općine Tešanj. Multico je grupacija koja se bavi izgradnjom željeznica, mostova, drugim poslovima iz oblasti građevinarstva i energetike. Predstavnik holdinga Multico, generalni direktor,gosp. Wojcech Kramar, koji je ujedno i potpredsjednik Trgovinske komore Balkana je izrazio zainteresovanost za uspostavu saradnje sa tešanjskim kompanijama koje će obezbjediti radnu snagu na izgradnji željeznica i željezničkih mostova. Grupacija Polmot se bavi prodajom i proizvodnjom poljoprivredne mehanizacije, automobilski dijelova i već je 40

godina zastupljena na tržištu Poljske. Njen predstavnik gosp. Adama Dobielski je izrazio interes za uspostavu saradnje sa kompanijama iz Tešnja koje se bave proizvodnjom zupčanika i drugih dijelova za mehanizaciju. Kompanija Elewarr se bavi proizvodnjom i otkupom poljoprivrednih proizvoda u vlasništvu je državne Agencije Poljske za poljoprivredno tržište. Na ovom sastanku direktor Agencije za razvoj općine Tešanj, gosp. Hilmo Perčo i generalni direktor kompanije Elewar, gosp. Andrzej Smietanko, koji je ujedno i bivši ministar za poljoprivredu u Vladi Poljske dogovorili su uspostavu saradnje na projektima iz oblasti poljoprivrede s ciljem unapređenja razvoja poljoprivredne proizvodnje na području općine Tešanj.

7.) Kontakti sa ambasadama, drugim agencijama i međunarodnim organizacijama

U saradnji sa Farma projektom održana je edukacija za proizvođače mlijeka na području općine Tešanj, te je sa Udruženjem Poljoprivrednika Tešanj i Frama projektom u pripremi aktivnost koja se odnosi na edukaciju za zainteresovane proizvođače mlijeka na području općine Tešanj u cilju postizanja što većeg kvaliteta u proizvodnji mlijeka. Planirano da se održi edukacija u trajanju od pet dana nakon čega će polaznici dobiti certifikate.

Održan je i sastanak sa predstavnicima Bosper, BBI banke, Turkish Ziraat banke, te je dogovoreno da se za zainteresovane poljoprivredne proizvođače na području općine Tešanj obezbjeđe kreditna sredstva po povoljnim uslovima. Uspostavljena je saradnja sa humanitarnom organizacijom „Human apeal“ u cilju realizacije projekata iz oblasti poljoprivredne proizvodnje i uzgoja jagodičastog voća.

Nastavljena je saradnja sa Ambasadom Japana, Republike Češke, Ambasadom Irana ; Ambasadom Njemačke i Ministarstvom poljoprivrede i ruralnog razvoja Republike Poljske.

Nastavljena je saradnja sa GIZ-om, Usaid-Sida Firma projektom na projektima iz oblasti neformalnog obrazovanja. Predstavnici Turske kompanije „Seyas“, gosp. A.Alaz Albay, gosp. Mustafa Basari, gosp. Ismail Senay posjetili su općinu Tešanj. Goste je primio direktor Agencije za razvoj općine Tešanj, gosp. Hilmo Perčo Domaćin sastanka je sa gostima je obišao lokalitete poslovnih zona „Vila“ , „Glinište“, „Bukva“, te izletišta „Kiseljak“ i „Jelen“. Razlog posjete turske delegacije je upoznavanje sa privrednim potencijalima općine Tešanj, te upoznavanje sa mogućnostima koje općina Tešanj nudi za strane investitore u poslovnim zonama i pogodnosti za razvoj turizma na području općine Tešanj. Tokom radnog sastanka gosti su izrazili interes za programe podrške razvoju i poduzetništvu i sektoru prerađivačkih djelatnosti koje pružaju TRA d.o.o –Agencija za razvoj i općina Tešanj, te sa mogućnostima koje se nude investitorima u poslovnoj zoni Vila i Glinište. Direktor kompanije Mustafa Basari je izrazio zadovoljstvo prezentovanim i mogućnostima koje se pružaju investitorima u općini Tešanj, te ukazao da Agencija za razvoj i općina Tešanj, svojim radom pokazuju dobar primjer stvaranja povoljnog poslovnog ambijenta.

Predstavnici Agencija za razvoj općine Tešanj pozvani su u Istanbul da članovima udruženja TUSCON (jednom od najvećih udruženja u R Turskoj) prezentuju projekte i podsticaje koji se nude investitorima u Tešnju. U posjeti Agenciji za razvoj općine Tešanj boravio je Abdullah Salamah, Generalni menadžer Agencije za poslovno savjetovanje iz Džede, Saudijske Arabije. Gospodin Abdullah od prošle godine intezivno radi na unapređenju poslovne saradnje i veza između Saudijske Arabije i BiH, te u tom cilju želi da poveća trgovinsku razmjenu ove dvije zemlje i ohrabri investitore iz Saudijske Arabije da investiraju u BiH. Cilj posjete Agenciji bio

je da se upozna sa privrednim karakteristikama općine Tešanj, potencijalnim projektima i pogodnostima koje općina Tešanj pruža potencijalnim investitorima. Direktor Agencije gđin. Hilmo Perčo je apostrofirao da će Agencija za razvoj općine Tešanj za investitore besplatno uraditi sve što se zahtjeva od procedura za registrovanje i pokretanje biznisa, te da će i poslije pokretanja biznisa stajati na raspolaganju za sve što bude potrebno. Gospodin Abdullah Salamah je izrazio zadovoljstvo sa pruženim informacijama i poslovnim mogućnostima koje se pružaju u općini Tešanj, te obećao da će u sklopu poslovne posjete Bosni i Hercegovini koju planira da organizira sa poduzetnicima iz Saudijske Arabije obavezno posjetiti i općinu Tešanj.

U posjeti "TRA" d.o.o-Agenciji za razvoj općine Tešanj boravila je gđa. Eldina Ćosatović Projekt menadžer razvojne Agencije iz Zgornje Gorenjske Republika Slovenija. Povod navedenog sastanka je uspostava saradnje "TRA" d.o.o-Agencije za razvoj općine Tešanj Agencije "Ragor" Republika Slovenija. Direktor "TRA" d.o.o, gosp Hilmo Perčo gošću je upoznao sa aktivnostima, projektima, kao i planovima za naredni period Agencije za razvoj općine Tešanj. Na sastanku dogovorena je uspostava saradnje i partnerskih odnosa između ove dvije Agencije kao i zajednički nastup na projektima koji se odnose na prekograničnu saradnju (IPA CBC). TRA d.o.o-Agenciju za razvoj općine Tešanj su posjetili predstavnici Inicijativnog odbora za uspostavu saradnje općine Doboja i općine Tešanj. Razlog posjete predstavnika ovog inicijativnog odbora jeste upoznavanje sa samim ustrojstvom, dosadašnjim radom kao i planovima za naredni period Agencije za razvoj općine Tešanj, te uspostava međuopćinske saradnje Tešnja i Doboja na izradi projekata za pristupne fondove. Direktor Agencije, gosp. Hilmo Perčo i Predsjedavajući općinskog vijeća gosp. Esmir Subasić goste su upoznali sa načinom rada, dosadašnjim rezultatima i planovima Agencije i Općine Tešanj. Sa predstavnicima Inicijativnog odbora dogovorene su smjernice oko uspostave saradnje i partnerskih odnosa TRA d.o.o i Općine Tešanj sa Općinom Doboja na izradi zajedničkih projekata za buduće pozive EU.

Uspostavljeni su kontakti sa predstavnicima „Burch“ Univerziteta iz Sarajeva. Na sastanku sa predstavnicima BURCH Univerziteta dogovorena je uspostava saradnje između Agencije za razvoj općine Tešanj i ovog univerziteta. Predstavnicima BURCH univerziteta predstavljen je dosadašnji rad Agencije, te je razgovarano o mogućnosti povezivanja TRA d.o.o-Agencije za razvoj općine Tešanj sa potencijalnim investitorima i organizacijama iz Turske u cilju realizacije projekata iz oblasti kulture, obrazovanja poduzetništva i dr. Nasatvljena je saradnja sa Udruženjem privrednika „Biznis Centar“ Tešanj Jelah dogovoren je zajednički nastup na projektu(medijska kampanja) pod nazivom "Kupujmo domaće" čiji je zadatak podići svijest kod građana o važnosti kupovine domaćih proizvoda, te je dogovoreno da se formira zajednička komisija koja će kordinirati dalje aktivnosti u cilju realizacije navedenog projekta. Potpisan je ugovor o saradnji poslovnim portalom „e kapija“ u cilju promocije „TRA“ d.o.o-Agencije za razvoj općine Tešanj i njenog rada i promocije Općine Tešanj.

REZ Agencija je 24.10.2012. godine bila domaćin sastanka sa lokalnim razvojnim agencijama koje djeluju na području regije Centralna BiH. Pored predstavnika REZ Agencije, sastanku su prisustvovali predstavnici lokalnih razvojnih agencije "TRA" Tešanj, "RAŽ" Žepče, "RAZ" Zavidovići i "ZEDA" Zenica. Iskazana je zajednička potreba za intenziviranjem saradnje u oblastima pripreme projekata od strateškog značaja za lokalne zajednice, kanton i regiju, daljeg jačanja kapaciteta agencija radi što bolje pripreme za evropske predpristupne fondove, kreiranja funkcionalne i partnerske saradnje sa, prije svega, kantonalnim i federalnim nivoima vlasti. U tom smislu su doneseni zaključci koji će usmjeravati dalju

saradnju i doprinijeti ravnomjernijem i učinkovitijem korištenju institucionalnih i ljudskih resursa i fondova u pravcu lokalnog i regionalnog ekonomskog razvoja. U saradnji sa Agencijom REZ, „TRA d.o.o -Agencija je organizovala seminar pod nazivom: Energetska efikasnost –sistem upravljanja energijom EN 16001:2009. Tema jednodnevne obuke je iz oblasti energetske efikasnosti sa fokusom na zahtjeve koje u pogledu uspostavljanja sistema upravljanja energijom definišu standardi: EN ISO 16001: 2009 i ISO 50001:2011. Obuka pored teoretskog dijela i vježbi sadrži i primjere dobre prakse. Nastavljena je saradnja sa Agencijom za poslovno savjetovanje iz Džede, Saudijska Arabija s ciljem realizacije projekata iz oblasti poljoprivrede. U narednom periodu očekuje se posjeta i održavanje sastanaka sa predstavnicima nevedene agencije i potencijalnih investitora iz Saudijske Arabije na kojem će se definisati slijedeći koraci o mogućoj realizaciji projekata na području općine Tešanj.

Agencija je uzela učešće sa Općinom Tešanj na projektu međuopćinske saradnje koji se implementuje u saradnji sa GIZ Njemačkom organizacijom za međunarodnu saradnju. Projektom će se privreda i konkurentne prednosti općina Tešanj, Teslić i Žepče promovirati na način da će se izraditi: Analiza konkurentne prednosti ovih općina kao mikro regije, izraditi promotivna brošura i letak, izraditi web stranica ove mikro regije a sve u cilju privlačenja investitora u ove općine. U sklopu projekta je već potpisan memorandum o saradnji između navedenih općina kao mikro regije povoljne za investiranje. Od međunarodnih organizacija nastavljena je saradnja sa USAID/Sida Firma projekat što je rezultiralo potpisivanjem sporazuma o partnerstvu na realizaciji projekata: „Obuka i certificiranje CNC operatera“te je dogovorena saradnja i na drugim projektima koje Agencija priprema.

Agencija je nastavila započetu saradnju sa GIZ-om koja je također podržala projekat „Mehatronika“ te je potpisan sporazum o partnerstvu na realizaciji projekta „ Obuka i certificiranje CNC operatera“. Sa Federalnim zavodom za zapošljavanje, Općinom Tešanj, Mješovitom srednjom školom, USAID/Sida Firma Projektom, Fad-om potpisan je sporazum o partnerstvu na realizaciji projekta „ Obuka i certificiranje CNC operatera“.

Nastavljena je saradnja sa regionalnom razvojnom agencijom REZ iz Zenice, lokalnom razvojnom agencijom ZEDA iz Zenice, regionalnom razvojnom agencijom SERDA iz Sarajeva, lokalnim razvojnim agencijama RAŽ iz Žepča i RAZ iz Zavidovića, uspostavljeni su konatkti sa Republičkom agencijom za razvoj malih i srednjih preduzeća, REDAH-agencijom za ekonomski razvoj .

Na jednodnevnom seminaru koji su organizovali predstavnici EURELSMED projekta na temu: „ Lokalni razvoj u BiH“ Agencija je prezentovala projekat: „One Stop Shop“.

Direktor Agencije Hilmo Perčo na radnom sastanku sa predstavnicima Agencije za rad i zapošljavanje BiH je dogovorio uspostavu institucionalne saradnje ove dvije agencije koja se odnosi na izvoz stručne radne snage sa područja općine Tešanj za potrebe drugih zemalja za kojima one iskazuju interes i potražnju(Katar, Njemačka idr).

8. Kontakti sa fizičkim licima, firmama i ostalim udruženjima na području općine Tešanj

U toku 2012. godine, održan je veliki broj sastanaka sa fizičkim licima i predstavnicima kompanija na kojima su predstavljene ideje, koje bi se mogle pretvoriti u projekat, a sve u cilju razvijanja lokalne zajednice prema potrebama njenih građana, te da se pronađe način da privrednicima olakšamo put do uspjeha. Gotovo svakodnevno se ostvaruju kontakti sa

fizičkim licima koji dolaze i pitaju za pomoć u pokretanju određenih poslova. Nastojanja Agencije su išla u pravcu povezivanja fizičkih lica i Agencije sa određenim institucijama koji će dati finansijsku podršku u realizaciji poslovnih ideja.

U toku 2012. godine kontakti sa predstavnicima firmi su bili veoma česti i obostrani. Još uvijek su primjedbe na određene administrativne procedure i sporost u rješavanju njihovih zahtjeva pogotovo na knatonalnom nivou.

Kompanija „Prevent Fad“ d.d je pokazala interes za dodatnom radnom snagom osposobljenom za poslove upravljanja na CNC mašinama. U skladu s tim TRA-Agencija za razvoj općine Tešanj, Mješovita srednja škola Tešanj i kompanija Prevent Fad dd Jelah potpisale su sporazum o međusobnoj saradnji, nako čega je izrađena projektna aplikacija

Predmet sporazuma je međusobna saradnja koja obuhvata:

Saradnju na aplikacijama zajedničkih projekata prema međunarodnim i nevladinim organizacijama

- Saradnju u razvoju savremene opreme
- Saradnju u istraživačkom radu u oblasti mašinstva
- Iznamljivanje prostora i opreme za potrebe edukacije
- Saradnju iz oblasti stručnog obrazovanja i usavršavanja učenika zanimanja mašinske struke
- Saradnja u području neformalnog obrazovanja
- Saradnja na zajedničkim promotivnim aktivnostima

Ukoliko projektna aplikacija se ocjeni pozitivno od strane donatora, potpisnici navedenog sporazuma saglasni su u slijedećem:

1. da se stručno teorijska obuke može izvoditi u Mješovitoj srednjoj školi Tešanj
2. da su predavači stručno teorijske obuke profesori Mješovite srednje škole
3. da će se praktična obuka izvoditi u kompaniji „Prevent Fad“ d.d Jelah koja će osigurati sticanje vještina i znanja s ciljem aktivnog uključivanja u proces rada
4. Upravljanje i nadzor nad kompletnim procesom edukacije vršit će „TRA“ d.o.o-Agencija za razvoj općine Tešanj

Agencija je također, potpisala sporazum sa firmom „Prevent FAD“ d.d Jelah o partnerstvu na realizaciji projekta: „Obuka i certificiranje CNC operatera“

U 2012. Agencija je sufinansirala ukupno 17 polaznika redovnih ciklusa obuke koji su organizirani u Mješovitoj srednjoj školi. Agencija je sufinansirala one kandidate kojima je uslov za zanivanje radnog odnosa ili očuvanje postojećeg radnog mjesta upravo sticanje znanja, vještina i kompetencija iz oblasti upravljanja za CNC mašinom.

9. Plan rada za 2012 godinu

U 2013 godini, Agencija će nastaviti započete aktivnosti u 2012, godini, kao i urađene projekte koji su predati na pozive IPA Adriatic i IPA CBC. To su uglavnom aktivnosti na projektima koji su vezani za Strategiju za razvoja općine Tešanj 2013-2018 i koji zauzimaju prioriteta mjesta. U planovima Agencije za 2013 godinu, jest proširenje djelatnosti što uključuje mogućnost organizovanja edukacije odraslih kao redovne djelatnosti, kao i aktivnosti koje se odnose na kanalizaciju, vodosnadbjevanje općine Tešanj, poslovne zone

Vila i Glinište, projekat proširenja toplifikacije, razvoj turizma, jačanje kapaciteta agencije, poljoprivreda, partnerstva i kontakti, izrada projektnih prijedloga za IPA Adritaic i IPA CBC, kao i za druge pozive u zemlji i inostranstvu.

9. Zaključak

U izvještaj se pokušalo u najkraćim crtama predstaviti sve što je rađeno u 2012. godini. Iako je urađeno preko 10 projektnih prijedloga i koncept nota veći dio njih nije odobren od kojih su neke još u fazi ocjenjivanja od strane donatora. Po pitanju aktivnosti na strateškim infrastrukturnim projektima ostaje da se ulažu dodatni napori da se iznađu grant sredstva i investitori za značajnije rezultate.

Rad na izradi projekata će i dalje ostati jedan je od osnovni zadataka Agencije, s time da velika prednost što projektni prijedlozi koji su odbijeni ostaju da se apliciraju na druge pozive sa drugim partnerima i u nešto izmijenjenoj formi. Otvaranje većih infrastrukturnih fondova je veoma blizu tako da lokalne zajednice koje budu spremne pisati ove projekte mogu očekivati sredstva.

Tim Agencije nastavlja sa unapređenjem svojih kapaciteta i kroz konstantne edukacije i kroz nova iskustva u apliciranju projektnih prijedloga sa partnerima iz zemalja u okruženju. Svojim djelovanjem Agencija je uspjela postati prepoznatljiva na lokalnom nivou ali među domaćim i međunarodnim organizacijama i institucijama. Stalni kontakti sa drugim agencijama, ambasadama i drugim organizacijama dovelo nas je u poziciju da imamo vrlo široku mrežu saradnika i partnera i naravno da privredne potencijale i mogućnosti za investiranje u općinu Tešanj predstavimo potencijalnim investitorima iz drugih zemalja. Predstavljeni smo od Komisije EU kao primjer dobre prakse i osjećaja za prepoznavanje problema na lokalnom i višim nivoima.

Nadzorni odbor Agencije je sve svoje odluke donio jednoglasno, a aktivno učešće članova Nadzornog odbora dalo je dodatni kvalitet u radu Agencije. Agencija je vodila računa da svi njeni akti budu usaglašeni sa pozitivnim zakonskim odredbama.

Agencija je izradila Plan rada za 2013 godinu koji i dalje apostrofira na projektima od prioriteta i strateškog značaja za općinu Tešanj. Veoma bitna je i podrška lokalne zajednice koju je Agencija do sada imala i na koju i u buduće može računati.

Ono što se može očekivati u 2013. godini je konkretizacija dosadašnjih partnerstava i kontakata jer do sada se pokazalo da je bio potreban veliki trud identifikovati i povezati se sa kvalitetnim partnerima za zajedničko učešće na apliciranju projektnih prijedloga EU i druge pozive.

V.D Direktor Agencije

Mr. Muhamed Džihić